

Hisce Observationibus parvam addidi Disquisitio
nem Astronomicam, circa Hypothesin JACOBI ALEXAN-
DRI, BENEDICTINI, quâ Terram circa Lunam moveri sta-
tuit. Haec sententia quidem jam ab aliis oppugnata est,
sed diversè: Ego eam per Observationes Martis optime
examinari & destrui posse, judicavi.

Si Deus vitam suppeditaverit, plures Observationes
Astronomicae, è magno numero selectae, ut lucem vi-
deant, operam dabo. Ex. gr. Eclipseum Solis & Lunae,
Occultationum Stellarum à Luna, Cometarum, Plane-
tarum, & Fixarum, quae nondum aliàs typis vulgatae
sunt; Et simul quaedam, quae ad facilitandum Calcu-
lum Astronomicum pertinent, aliquando subministrabo.
Et haec quidem sunt, quae proprie spectant ad officium
meum, & intentionem.

Cum vero animus non semper iisdem rebus intentus
esse possit, sed interdum gaudia curis sint interponenda,
meditationibus & investigationibus Geographicis &
Chronologicis aliquando otium fallere soleo ; & hoc
modo multos errores communes deprehendi, quorum
correctionem non adeo indignam censeo, quin cum ali-
is communicetur. Ad annotationes Geographicas per-
tinent Longitudines Berolini & Petroburgi, quas ex ob-
servationibus deduxi. Plures Disquisitiones Geographi-
cas, tam quæ ad Geographiam antiquam, quam quæ ad
hodiernam pertinent, in aliud tempus reservo. Quod
ad Latitudinem Berolinensem attinet, eam non majorem
esse $52^{\circ}.31'$. sed potius inter $52^{\circ}.30'$, & $31'$. contineri, hic
indi-